

დადგენილება #ე.პ. 0534-22
გაფრთხილების სახით ადმინისტრაციული სახდელის
დადების შესახებ

თბილისი

8 სექტემბერი 2022

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნიკო გოგიტიძე

2. საქმის განხილვის თარიღი: 2022 წლის 8 სექტემბერი.

3. ცნობები პირის შესახებ, რომლის მიმართ განიხილება საქმე:

შპს „გურია“

მდებარე, იურიდიული მისამართი: ქ.მარნეული, იალღუჯას ქ. N15.

საიდენტიფიკაციო კოდი #234160001

ფაქტობრივი ადგილსამყოფელი: ქ.მარნეული, იალღუჯას ქ. N15.

4. საქმის განხილვისას დადგინდა შემდეგი გარემოებები:

მიმდინარე წლის 1 სექტემბერს, ქ.მარნეულში, დაფიქსირდა ელექტროენერგიის დატაცების ფაქტი, კერძოდ აბონენტ (აბ#5010237071) გურია-ს აღრიცხვის კვანძის შემოწმებისას, დადგინდა, რომ მრიცხველს აწყვეტილი აქვს „ა“ და „ც“ ფასების დენის ტრანსფორმატორის, ძაბვის სადენები, რის გამოც ზემოაღნიშნულ ფაზებში გამავალი დენი არ აღირიცხება. შესაბამისად მრიცხველი არ აღრიცხავდა მოხმარებულ ელექტროენერგიას სრულად. შემოწმებისას „ა“ ფაზაში გადიოდა 31,4 კილოვატი ელ.ენერგია. ოქმის თანახმად, ელექტროენერგიის დატაცება ხორციელდებოდა 3 თვის კანმავლობაში. აღნიშნულ ფაქტზე შედგა ადმინისტრაციული სამართალდარღვევის ოქმი #009058. შპს

სს „ენერგო-პრო ჯორჯია“

„გურიას“ (ს/კ#234160001) მიმართ 01.09.2022-ში შედგენილ ადმინისტრაციული სამართალდარღვევის ოქმს ას#009058 ხელი მოაწერა შპს „გურიას“-ს წარმომადგენელმა, სამანდარ ჰუსეინოვმა პ/ნ 28001020128 რომელმაც არ აღიარა სამართალდარღვევის ჩადენის ფაქტი. შპს „გურიას“-ს მიერ ჩადენილი ელექტროენერჯის დატაცება (სამართალდარღვევა) წარმოადგენს პირველ შემთხვევას, რაც დასტურდება. საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2022 წლის 7 სექტემბერს ელექტრონულად გამოგზავნილი ინფორმაციით. საქმეში წარმოდგენილია 01.09.2022-ში შედგენილი აღრიცხვის კვანძის შემოწმება-მიღების აქტი #A995690 რომლითაც დასტურდება, რომ აბონენტის მიერ აღვლილი ჰქონდა ელ.ენერჯის უკანონო მოხმარებას. საქმეში დევს დადასტურება, რომ სამართალდამრღვევს ეცნობა საქმის განხილვის დროისა და ადგილის თაობაზე. სხდომაზე არ გამოცხადდა შპს „გურიის“ წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. ამდენად, კომისია უფლებამოსილია განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (ადმინისტრაციული სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; ამონაწერი სამეწარმეო რეესტრიდან; შეტყობინება), რომელთა მეშვეობითაც დგინდება შპს „გურიის“ მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელექტროენერჯის დატაცება. სამართალდარღვევის ოქმი შედგენილია ასკ 240-ე მუხლის მოთხოვნათა დაცვით. დაცულია ადმინისტრაციულ სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების ორთვიანი ვადა.

5. ადმინისტრაციული სამართალდარღვევის საქმის განმხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ გენერალური დირექტორის 30.06.2022წ. # EPG RU2022007 წესით, 01.07.2021წ. #OR2021018 ბრძანებით და:

სს "ენერგო-პრო ჯორჯია"

და ვ ა დ გ ი ნ ე:

6. შპს „გურია“ (ს/კ 234160001) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:

კომისიის თავმჯდომარე:
ნიკო გოგიტიძე

